

ABSTRAK

Selain solat, puasa juga termasuk dalam ibadah yang dikenakan *qadha* dan *fidyah* ke atasnya apabila seseorang itu tidak berpuasa di bulan puasa asbab banyak hal. Gagalnya masyarakat yang berstatus muslim dalam menunaikan hak mereka kepada Allah S.W.T dalam ibadah puasa sehingga menjauhkan tingkat ketaqwaan mereka, dampak kepada kejahilan tentang sesuatu hukum. Melihat senario masyarakat kini seolah-olah tidak ada kesedaran dan keiltizaman untuk melaksanakannya sama ada kurang pendedahan tentang perkara ini ataupun jahil akan konsep *qadha* dan *fidyah* yang telah ditetapkan oleh para 'ulama'. Objektif yang ingin direalisasikan dalam kajian ini adalah untuk membongkar perbahasan dalam bidang fiqh tentang *qadā'* dan *fidyah* puasa menurut 'ulama' kontemporari untuk diselarikan mengikut arus perdana. Reka bentuk kajian ini adalah menggunakan pengkaedahan berbentuk kualitatif kepustakaan. Metode pengumpulan data kajian adalah melalui kaedah kepustakaan, iaitu membuat rujukan berasaskan buku-buku primer dan sekunder, tesis, makalah, keratan akhbar, melalui carian di lawan web, jurnal, dan sewaktu dengannya. Signifikan kajian ini adalah untuk mendapatkan kepastian dari sudut pengkaedahan yang betul dalam melaksanakan *qadā'* dan *fidyah* puasa dan disesuaikan dengan pandangan ulama kontemporari yang selari dengan al-Quran dan al-Sunnah Nabi S.A.W. Kesimpulannya, kajian yang berupa kesinambungan daripada kajian-kajian lepas ini amat penting dan kerana merupakan rungaian pengkhususan berkenaan dengan ibadah puasa bagi umat Islam di tambah dengan *kaifiyah* yang telah didedahkan berdasarkan pandangan 'ulama kontemporari yang didasari dan selari dengan madhhab-madhhab yang kita yakini.